



27. november 2008

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginarpakka:

Nunanut Allanut tunngasutigut Naalakkersuisunut ilaasortap suliassaminik naammassinissimanginneranik pissuteqartumik Kalaallit-nunaata tusaamaneqarnerata ajoquserneqarsimanera pillugu Naalakkersuisunut apeqquteqaat.

(Inatsisartunut ilaasortaq Jens B. Frederiksen, Demokraatit)

Aningaasaqarnermut taamatullu Nunanut Allanut tunngasutigut Naalakkersuisunut ilaasortaq 16. november-imiit 1. december-imut pingaaruteqarluinnartumik atorfimminut tunngatillugu angala-sussaagaluarpog. Atorfimmut tunngatillugu angalanissaq ima pingaartigisimammat Naalakkersuisunut ilaasortaq 7. november 2008 Inatsisartut Allattuunerannut taamatullu Demokraatit allaffi-annut allagaqarsimavoq, allakkaminilu tassani angalanissap siunertaa nassuiaatigisimallugu. Naalakkersuisunut ilaasortap allakkiani imatut naggaserlugit ima allappog:

”Uvanga isumaqavippunga Nunanut Allanut tunngasunut Naalakkersuisuni ilaasortatut suliannik ingerlatsinissannik mattunneqarnissara annertuumik kukkunnerussasoq, tassami nunarput eqqarsaatigalugu siumut isigisumik suliaqarnissara matumani pingaaruteqarluinnarmat. Suliani taamaattuni peqataannginnissaq Kalaallit-nunaanut kinguneqarnerluttussaavoq, Kalaallit-nunaatalu isigineqarneranut ajoqutaassalluni. Taamaattumik taamatut suliaqarnissannut pilersaarutinnik naammassininnissannut paasilluarneqarnissara matumuuna qinnutigaara, naak taamatut angalanissaq Inatsisartut ataatsimiinneranni ulluni kingullerni peqataanngitssornissannik kinguneqartussaagaluartoq.”

Matuma siuliini allaqqasut tunngavigalugit Naalakkersuisunut imaattunik apeqquteqarniarpona:

Qanga angalanissaq taanna taamaatinneqarnissaa aalajangiunneqarpa, kinalu anganissamik taamaatitsinissamik aalajangiisuuva?

Sooruna angalanissaq pineqartoq taamaatiinnarneqartoq, uffalu Aningaasaqarnermut Nunanullu Allanut tunngasunut Naalakkersuisunut ilaasortap angalanissamut peqataanissaq nunatsinnut pingaaruteqartorujussuartut nalinereeraa?

Imaassinanginnerluni Aningaasaqarnermut Nunanullu Allanut tunngasutigut Naalakkersuisunut ilaasortap angalanermini peqannginnerata nalaani Demokraatit Inatsisartuni ilaasortaat ataatsimik amerlanerulertussaanerat?

Atorfimmut tunngatillugu angalanissap pineqartup taamaatinneqarneratigut Kalaallit-nunaata isigineqarneranut tunngatillugu qanoq innarliisimatigineranut tunngatillugu Naalakkersuisut qanoq naliliippat?



DEMOKRAATIT
DEMOKRATERNE

Nunanut allanut tunngasutigut suliaqarnerup Naalakkersuisoqarfimmut allamut, aammalu suliamik taassuminnga nakkutiginnikkusunnerusumut nuunnissaa Naalakkersuisunit eqqarsaatigineqarsimanerluni?

Apeqquteqaatit ullut suliffiusut qulit qaangiutsinnagit akineqarnissaat kissaatigaarput.